



## O`ZBEKISTON RESPUBLIKASI VAZIRLAR MAHKAMASINING QARORI

20 21 yil « 8 » январь

№ 2

Toshkent sh.

### Хотин-қизларни ижтимоий қўллаб-кувватлаш бўйича қўшимча чора-тадбирлар тўғрисида

Ижтимоий аҳволи ва турмуш шароити оғир, ишсиз ва ижтимоий фаол бўймаган хотин-қизларни ҳар томонлама ижтимоий қўллаб-кувватлаш ва ҳимоя қилиш, уларга давлат томонидан манзилли тарзда кўмаклашиш тизимини жорий қилиш мақсадида Вазирлар Маҳкамаси қарор қиласди:

1. Хотин-қизлар муаммоларини “Аёллар дафтари”ни юритиш орқали тизимли равища ҳал этиш ва уларни ижтимоий қўллаб-кувватлаш бўйича вақтинчалик тартиб иловага мувофиқ тасдиқлансин.

2. Ўзбекистон Республикаси Маҳалла ва оилани қўллаб-кувватлаш вазирлиги Ўзбекистон Касаба уюшмалари федерацияси, Коракалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари билан биргаликда **2021 йил 1 декабрга қадар** ушбу қарор билан тасдиқланган Вақтинчалик тартибининг амалиётда қўлланилишини таҳлил қилган ҳолда, уни такомиллаштириш юзасидан асослантирилган таклифларни Вазирлар Маҳкамасига киритсин.

3. Коракалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари:

ҳар ҳафтада туман (шаҳар)лар ҳокимларининг маҳалла ва оилани қўллаб-кувватлаш бўйича ўринбосарлари ҳамда тегишли секторлар раҳбарларининг “Аёллар дафтари” билан ишлаш бўйича фаолиятини танқидий муҳокама қилиб борсин;

Хотин-қизлар жамоатчилик кенгашлари ҳамда маҳаллаларда ташкил этилган “Аёллар маслаҳат кенгашлари” фаолиятига яқиндан кўмаклашиш, аёлларнинг муаммоларини тезкорлик билан ҳал этиш чораларини кўрсин;

икки ҳафта муддатда ҳар бир туман ва шаҳар кесимида хотин-қизларни касб-хунарга ўргатиш, уларнинг бандлигини таъминлаш, бизнес ташабbusларини қўллаб-кувватлаш ва ижтимоий ҳимоясини кучайтириш бўйича чора-тадбирлар режасини ишлаб чиқиб, тегишли ҳалқ депутатлари маҳаллий кенгашлари муҳокамасига киритсин;

аниқланган тизимли муаммолар ва уларнинг юзага келишига сабаб бўлаётган омилларни ҳар чоракда камида бир марта чуқур таҳлил қилган ҳолда, жойларда хотин-қизларни қийнаётган муаммоларни ҳал қилиш ҳамда жамиятда аёлларнинг нуфузини янада ошириш бўйича кўрилаётган чоралар самарадорлиги тўғрисида ҳокимлар ҳамда бошқа мутасадди ташкилотлар раҳбарларининг ҳалқ депутатлари маҳаллий Кенгашларида ҳисобот бериб боришларини таъминласин.

4. Ўзбекистон Республикаси акциядорлик тижорат Ҳалқ банкига Тадбиркорликни ривожлантириш агентлиги, Савдо-саноат палатаси, “Тадбиркор аёл” ишбилармон аёллар уюшмаси ва “Хунарманд” уюшмаси билан биргаликда доимий равишда жойларда хотин-қизларни тадбиркорликка ўқитиш, ҳудудларнинг ўзига хос хусусиятларини инобатга олган ҳолда, бизнес лойихаларини ишлаб чиқишига ўргатиш, уларга бизнесга оид намунавий режаларни ишлаб чиқиши ва кредит олишда кўмаклашиш, кредит ажратилгандан сўнг хотин-қизлар тадбиркорлигини ривожлантириш борасида амалий ёрдам кўрсатиш тавсия этилсин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари Б.А. Мусаев ҳамда Ўзбекистон Республикаси маҳалла ва оилани қўллаб-кувватлаш вазири Р.Т. Маматов зиммасига юклансин.

Ўзбекистон Республикасининг  
Бош вазири



А. Арипов

Вазирлар Махкамасининг  
2021 йил “8” январдаги 2-сон қарорига  
илова

**Хотин-қизлар муаммоларини “Аёллар дафтари”ни юритиш орқали  
тизимли равишда ҳал этиш ва уларни ижтимоий қўллаб-қувватлаш  
бўйича  
ВАҚТИНЧАЛИК ТАРТИБ**

**1-боб. Умумий қоидалар**

1. Мазкур Вақтинчалик тартиб (кейинги ўринларда – Тартиб) “Аёллар дафтари”ни юритиш орқали хотин-қизлар муаммоларини тизимли равишда ҳал этиш ва уларни ижтимоий қўллаб-қувватлаш тартибини белгилайди.

2. Ушбу Тартибда қуйидаги асосий тушунчалар қўлланилади:

**“Аёллар дафтари”** – ижтимоий, иқтисодий, хукуқий, психологик қўллаб-қувватлашга, билим ва касб ўрганишга эҳтиёжи ва иштиёки бўлган, ишсиз хотин-қизларнинг муаммоларини аниқлаш, бартараф этиш ва назоратини олиб бориш бўйича маълумотлар базаси;

**“Аёллар маслаҳат кенгаши”** – ижтимоий ҳимояга муҳтоҷ хотин-қизларнинг муаммоларини ўрганиш ва ҳал этишга қўмаклашиш, оиласларни мустаҳкамлаш ва уларнинг фарзанд тарбиясидаги ролини ҳамда ижтимоий фаоллигини оширишга қаратилган маслаҳатлар бериш, “одобли қиз”, “иффатли келин” ва “маърифатли аёл” ғояларини кенг тарғиб этиш мақсадида ҳар бир фуқаролар йиғинида ташкил этиладиган жамоатчилик асосида фаолият юритувчи тузилма;

**секторлар** – Коракалпоғистон Республикаси, вилоятлар, туманлар, шаҳарлар худудларини тегишлича Коракалпоғистон Республикаси Вазирлар Кенгаши Раиси, вилоятлар ва Тошкент шаҳар, туманлар (шаҳарлар) ҳокимлари, прокуратура, ички ишлар ва давлат солиқ хизмати ҳудудий органлари раҳбарлари бошчилик қиладиган туманлар (шаҳарлар) ва худудларни комплекс ижтимоий-иқтисодий ривожлантириш бўйича тегишли маҳаллий давлат ҳокимияти органининг қўмаклашувчи коллегиал ишчи тузилмаси;

**секторлар ишчи групҳи** – сектор раҳбари бошчилигига иқтисодиёт, инвестиция, қурилиш, қишлоқ хўжалиги соҳаси, давлат бошқаруви органларининг туман (шаҳар)лар тузилмаларининг малакали мутахассислари ва тижорат банклари ходимларидан иборат Коракалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари томонидан тасдиқланадиган маҳсус ишчи групҳлари.

3. “Аёллар дафтари” ушбу Тартибга иловага мувофиқ схема бўйича юритилади.

“Аёллар дафтари”га киритилган хотин-қизларни ижтимоий қўллаб-кувватлаш бўйича чоралар тегишли қонун ҳужжатларида белгиланган тартибда амалга оширилади.

## **2-боб. “Аёллар дафтари”ни шакллантириш**

4. Ҳар бир сектор кесимида маҳаллабай "Аёллар дафтари"га 30 ёшдан ошган қуидаги тоифадаги хотин-қизлар киритилади:

**ижтимоий ҳимояга муҳтож ишсиз хотин-қизлар** (бандлиги таъминланмаган, ишлаш истагида бўлган, даромад манбаига эга бўлмаган, шу жумладан, меҳнат қилиш қобилиятини қисман йўқотган, бироқ ишлаш иштиёқи бўлган хотин-қизлар);

**боқувчисини йўқотган эҳтиёжманд хотин-қизлар** (боқувчи бўлмаган, қўшимча моддий ёрдамга муҳтожлар);

**ижтимоий ёрдамга муҳтож I ва II гурӯҳ ногиронлиги бўлган хотин-қизлар** (меҳнатга қобилиятызиз, ўзгалар парваришига муҳтожлар);

**уй-жойини таъмирлашга муҳтож I гурӯҳ ногиронлиги бўлган хотин-қизлар** (меҳнат қилиш қобилиятини бутунлай йўқотган, ёлғиз яшайдиган, уй-жойини таъмирлаш имконияти бўлмаганлар);

**нотурар жойларда истиқомат қилаётган, ўзининг ёки биргаликда яшовчи оила аъзоларининг номида турар жой мавжуд бўлмаган хотин-қизлар** (маъмурий бинолар, ертўлалар ва истиқомат қилиш мақсадларига мўлжалланмаган бошқа биноларда ёлғиз ёки оила аъзолари билан биргаликда яшаётган, шунингдек, доимий яшаш учун турар жойи бўлмаган ҳолда уй-жой шароитини яхшилашга муҳтожлар);

**қарамоғида бир ва ундан ортиқ I ёки II гурӯҳ ногиронлиги бўлган болалари мавжуд ёлғиз аёллар;**

**тиббий ҳимояга муҳтож эҳтиёжманд хотин-қизлар** (ўзи ва биргаликда яшовчи оила аъзолари оғир ижтимоий вазиятда бўлган, сурункали ёки оғир ногиронликка олиб келувчи касалликка чалинган, ногиронлик гурӯхи белгиланмаган, етарли даромад манбаига эга бўлмаганлар);

**хуқуқий ёрдам олишга муҳтож хотин-қизлар** (хуқуқий маслаҳат олиш истагида бўлган, хуқуқлари ва қонуний манфаатлари бузилганлиги тўғрисида мурожаат қилганлар);

**психологик маслаҳатга муҳтож хотин-қизлар** (тазиқ ва зўравонликдан жабрланган, ижтимоий муаммолари мавжуд хотин-қизлар).

5. Хотин-қизларнинг муаммолари, эҳтиёжлари ва қизиқишлари қуидаги шаклларда ўрганилади:

секторлар ишчи гурӯхлари томонидан бириттирилган маҳаллаларда фуқаролар йигинлари ходимлари ва фаоллари билан биргаликда барча йўналишдаги муаммоларни ҳар ярим йилда бир маротаба, бунда ярим йиллик биринчи ойининг дастлабки 15 кунида уйма-уй юриш орқали;

хотин-қизларнинг мурожаатларини, шу жумладан, “Аёллар маслаҳат кенгаши”га мурожаатларини кўриб чиқиш орқали.

Ўрганиш давомида хотин-қизларнинг муаммолари, эҳтиёжлари ва қизиқишлиари анкета-сўровномалар орқали аниқланади.

Хотин-қизларнинг аниқланган муаммолари секторлар штаблари котиблари ва фуқаролар йифини ходимлари томонидан хотин-қизларнинг шахсий индивидуал анкеталарига 3 кундан ошмаган муддатда киритилади.

6. Индивидуал анкеталар секторлар раҳбарлари ва туман (шаҳар) маҳалла ва оилани қўллаб-қувватлаш бўлими бошлиғига тўлдирилган кундан бошлаб 1 кун муддатда тақдим этилади.

7. Секторлар раҳбарлари, туман (шаҳар) маҳалла ва оилани қўллаб-қувватлаш бўлими бошлиғи 3 кундан ошмаган муддатда индивидуал анкеталар кўриб чиқилишини ташкил қиласди.

Индивидуал анкеталарни кўриб чиқиш жараёнида маълумотлар Ўзбекистон Республикаси Ички ишлар вазирлиги, Иқтисодий тараққиёт ва камбағалликни қисқартириш вазирлиги, Соғлиқни сақлаш вазирлиги, Бандлик ва меҳнат муносабатлари вазирлиги, Давлат солиқ қўмитаси, Ёшлар ишлари агентлиги, Давлат солиқ қўмитаси ҳузуридаги Кадастр агентлиги, Адлия вазирлиги ҳузуридаги Давлат хизматлари агентлиги, Молия вазирлиги ҳузуридаги бюджетдан ташқари Пенсия жамғармаси ва бошқа ташкилотларнинг маълумотлари билан солишириллади ҳамда хотин-қизларнинг ижтимоий ҳимояга муҳтожлик даражаси (тоифаси) аниқланади.

8. Таҳлил натижалари асосида секторлар раҳбарлари, туман (шаҳар) маҳалла ва оилани қўллаб-қувватлаш бўлими бошлиғи томонидан 7 кундан ошмаган муддатда “Аёллар дафтари”га киритиладиган хотин-қизларнинг рўйхатлари ҳамда уларнинг муаммоларини бартараф этишга қаратилган “Йўл харитаси” лойиҳаси имзоланган ҳолда, ҳалқ депутатлари туман (шаҳар) Кенгашларига тасдиқлаш учун киритилади.

9. Ҳалқ депутатлари туман (шаҳар) Кенгашлари томонидан “Аёллар дафтари”га киритиладиган хотин-қизларнинг рўйхатлари ва “Йўл харитаси” белгиланган тартибда тасдиқланади ҳамда ижрога қаратилади.

10. Ҳалқ депутатлари туман (шаҳар) кенгашида тасдиқланган рўйхатлар секторлар штабларининг котиблари томонидан 3 кундан ошмаган муддатда Маҳалла ягона ахборот тизими дастурига (кейинги ўринларда – ахборот тизими) киритилади.

Ҳалқ депутатлари туман (шаҳар) Кенгаши томонидан тасдиқланган “Аёллар дафтари”га киритилган шахслар рўйхати 3 кун ичida туман (шаҳар)лар ҳокимликларининг расмий веб-сайтларида эълон қилинади ва янгилаб борилади.

### **3-боб. “Аёллар дафтари”га киритилган хотин-қизларнинг муаммоларини тизимли равишда ҳал этиш ва уларни ижтимоий қўллаб-қувватлаш**

#### **1-§ Аёллар дафтари”га киритилган хотин-қизларнинг бандлигини таъминлаш**

11. Ижтимоий ҳимояга муҳтож ишсиз хотин-қизларнинг бандлигини таъминлаш куйидаги йўналишларда амалга оширилади:

туман (шаҳар)лар ҳокимликлари, инвестиция бўлимлари, аҳоли бандлигига кўмаклашиш марказлари, тижорат банклари билан ҳамкорликда тармоқ ва ҳудудий инвестиция дастурларига киритилган лойиҳаларда хотин-қизлар учун яратилаётган янги иш ўринларига ишга жойлаштириш;

туман (шаҳар)лар ҳокимликлари аҳоли бандлигига кўмаклашиш марказлари билан биргаликда мавжуд вакансия ва захира (квота) иш ўринларига ишга жойлаштириш ҳамда ҳақ тўланадиган жамоат ишларига жалб қилиш;

туман (шаҳар)лар ҳокимликлари аҳоли бандлигига кўмаклашиш марказлари билан биргаликда кооперативларга жалб этиш;

туман (шаҳар)лар аҳоли бандлигига кўмаклашиш марказлари томонидан касб-хунарга ва тадбиркорликка ўқитишни ташкил этиш, тадбиркорликка жалб этиш, ўзини ўзи мустақил равишда банд қилишни ривожлантиришга доир фаолиятни ташкил этиш орқали бандликка кўмаклашиш;

ишсизлик нафақасини тайинлаш ва тўлаш чораларини кўриш.

Ушбу бандда кўрсатилган йўналишлар қонун хужжатларида белгиланган тартибда амалга оширилади.

#### **2-§ “Аёллар дафтари”га киритилган хотин-қизларга томорқадан даромад манбаи сифатида фойдаланиш учун кўмаклашиш**

12. Туман (шаҳар)лар ҳокимликлари, маҳалла ва оилани қўллаб-қувватлаш бўлими туман фермер, дехқон хўжаликлари ва томорқа ер эгалари кенгаши, тижорат банклари билан ҳамкорликда “Аёллар дафтари”га киритилган хотин-қизлар томорқадан самарали фойдаланишни ташкил этиш орқали бандлигини таъминлаш куйидаги йўналишларда амалга оширилади:

енгил конструкцияли иссиқхоналар ўрнатиш;

парранда, асалари, қуён, балиқ ва бедана боқишини йўлга қўйиш;

“Томорқа хизмати” ташкилотлари ва “Дала дўконлари”ни ташкил этиш.

### **3-§ “Аёллар дафтари”га киритилган хотин-қизларни тадбиркорликка жалб қилиш**

13. Ўзбекистон Савдо-саноат палатаси, Бизнес ва тадбиркорлик олий мактаби, “Тадбиркор аёл” ишбилармон аёллар уюшмаси, “Хунарманд” уюшмаси ҳамда худудий хотин-қизлар тадбиркорлик марказлари жойларда ўкув курслари ташкил этиш орқали тадбиркорлик фаолиятини йўлга қўйиш истагини билдирган ва “Аёллар дафтари”га киритилган хотин-қизларнинг тадбиркорлик кўниммаларини ошириш ва бизнес лойиҳаларини тузишга кўмаклашади.

14. Ўзбекистон Республикаси акциядорлик тижорат Халқ банкининг туман (шаҳар) филиаллари орқали тадбиркорликни йўлга қўйиш ва ривожлантириш учун кредит олиш истагида бўлган хотин-қизларга тижорат банкларга ажратилган кредит маблағлари ҳисобидан молиялаштириладиган қуйидаги хизматлар кўрсатилади:

бизнес лойиҳаларни худудларнинг ўзига хос хусусиятларини инобатга олган ҳолда тузишни ўргатиш;

кредит олишга кўмаклашиш;

кредит ажратилгандан сўнг хотин-қизлар тадбиркорлигини ривожлантириш учун доимий кўллаб-куватлаш.

15. Кредитлар “Аёллар дафтари”га киритилган ва тадбиркорлик билан шуғуланиш истагида бўлган хотин-қизларнинг тадбиркорлигини йўлга қўйиш ва ривожлантиришга йўналтирилади.

Бунда кредитлар базавий ҳисоблаш миқдорининг 150 бараваригача миқдорда ажратилади.

Кредитларнинг фоиз ставкаси Ўзбекистон Республикаси Марказий банкининг асосий ставкасида белгиланади.

Кредитларни илгари олинган кредитлар ёки ҳар қандай бошқа қарзларни қайташига, чорвачиликни ривожлантириш, шахсий эҳтиёж учун автотранспорт воситаси сотиб олишга, маъмурий харажатларни тўлашга, жумладан, автотранспорт воситасининг таъминоти, мебель, алоқа хизматлари тўлови ва уяли телефон сотиб олишга ҳамда қонун хужжатлари ва Марказий банкнинг қоидаларига кўра тақиқланган фаолиятларга ажратишга йўл қўйилмайди.

Кредитлар 6 ойгача имтиёзли давр билан 3 йилдан кўп бўлмаган муддатга ажратилади.

16. Кредитлар қарз олувчининг ссуда ҳисобварагидан кредит шартномасида белгиланган мақсадлар учун тегишли ташкилотларнинг банкдаги талаб қилиб олингунча депозит ҳисобварагига пул ўтказиш йўли билан ажратилади.

Кредитлар Ўзбекистон Республикаси акциядорлик тижорат Халқ банкининг туман (шаҳар) филиаллари томонидан “Аёллар дафтари”га

киритилган хотин-қизларнинг фамилияси, исми, отасининг исми бўйича алфавит тартибида шакллантирилган қатъий навбат асосида ажратилади.

#### **§-4 “Аёллар дафтари”га киритилган хотин-қизларга моддий ёрдам кўрсатиш**

17. Халқ депутатлари туман (шаҳар) Кенгаши томонидан тасдиқланган рўйхатлар асосида “Аёллар дафтари”га киритилган хотин-қизларни қўллаб-кувватлаш жамғармаси маблағлари ҳисобидан базавий ҳисоблаш миқдорининг икки бараваридан тўрт бараваригача бўлган миқдорда бир марталик моддий ёрдам берилиши мумкин.

Ушбу бир марталик моддий ёрдамни тўлаш учун:

а) фуқаролар йигинлари, секторлар раҳбарлари билан келишилган ҳолда, бокувчисини йўқотган эҳтиёжманд хотин-қизлар, ижтимоий ёрдамга муҳтож II гурӯҳ ногиронлиги бўлган хотин-қизлар, уй-жойини таъмирлашга муҳтож I гурӯҳ ногиронлиги бўлган хотин-қизларнинг эҳтиёжмандлик даражасидан келиб чиқиб, халқ депутатлари туман (шаҳар)лар кенгашлари томонидан тасдиқланган рўйхатга киритилган хотин-қизларга (ҳар бир фуқаронинг фамилияси, исм, отасининг исми, паспорт серияси ва рақами кўрсатилган ҳолда) бир марталик моддий ёрдам бериш миқдорлари кўрсатилган рўйхатни туман (шаҳар) маҳалла ва оилани қўллаб-кувватлаш бўлимiga тақдим этилади;

б) туман (шаҳар) маҳалла ва оилани қўллаб-кувватлаш бўлими:

“Аёллар дафтари”га киритилган хотин-қизларни қўллаб-кувватлаш жамғармасининг даромадлари тушумлари прогнозидан келиб чиқиб, туман (шаҳар) молия бўлими билан келишилган ҳолда, бир марталик моддий ёрдамни ойма-ой тўлаш графигини шакллантиради ҳамда туман (шаҳар)лар ҳокимларининг маҳалла ва оилани қўллаб-кувватлаш масалалари бўйича ўринbosарларига тасдиқлаш учун киритади. Бунда тасдиқланган ойма-ой тўлаш графигининг нусхаси фуқаролар йигинларига ҳам тақдим этилади;

тасдиқланган графикка асосан ҳар ойнинг 5-санасига қадар фуқаролар йигинлари томонидан тақдим этилган рўйхатлар асосида тўлов ведомостларини шакллантириб, туман (шаҳар)лар ҳокимликларнинг бухгалтерия бўлимларига ва хизмат кўрсатувчи тижорат банкининг тегишли бўлимiga (филиалига) тақдим этади;

в) туман (шаҳар)лар ҳокимликларининг бухгалтерия бўлимлари тасдиқланган ойма-ой тўлаш графиги ҳамда тўлов ведомостлари асосида “Аёллар дафтари”га киритилган хотин-қизларни қўллаб-кувватлаш жамғармаси маблағлари ҳисобидан зарур маблағларни хизмат кўрсатувчи тижорат банкининг тегишли бўлимiga (филиалига) кўчиради;

г) Ўзбекистон Республикаси акциядорлик тижорат Халқ банкининг тегишли бўлими (филиали) томонидан бир марталик моддий ёрдам тўловлари ҳар ойнинг 5-27-саналарида амалга оширилади. Ойнинг охирги иш кунида ведомостлар ёпилади, тайинланган, бироқ ўз вақтида талаб қилиб олинмаган моддий ёрдам, уни олувчининг номидаги маҳсус депозит ҳисобвараfiga

ўтказилади ва олувчининг биринчи талабига кўра тўланади. Ёпилган ведомостнинг бир нусхаси туман (шаҳар) ҳокимлиги ҳамда маҳалла ва оилани қўллаб-кувватлаш бўлимига тақдим этилади;

д) туман (шаҳар) маҳалла ва оилани қўллаб-кувватлаш бўлими муҳтоҷ хотин-қизларга тўланган бир марталик моддий ёрдам тўғрисидаги маълумотларни ахборот тизимиға киритади ҳамда ёпилган ведомостнинг нусхасини тегишли фуқаролар йигинига тақдим этади.

“Аёллар дафтари”га киритилган ва уй-жойини таъмирлашга муҳтоҷ I гурух ногиронлиги бўлган хотин-қизларга кўмаклашиш сектор раҳбари томонидан жисмоний ва юридик шахсларнинг ҳомийлик хайриялари ва қонун ҳужжатларида тақиқланмаган бошқа манбалар ҳисобидан амалга оширилади.

Бир марталик моддий ёрдам олган хотин-қизлар “Аёллар дафтари”дан чиқарилмаган ёки бир йил ичидаги қайта киритилган ҳолларда бир марталик моддий ёрдам бир календарь йили давомида бир маротаба берилади.

### **5-§ “Аёллар дафтари”га киритилган хотин-қизларга туар жой ижара компенсациясини тўлаш**

18. Халқ депутатлари туман (шаҳар) Кенгашлари тасдиқланган рўйхат асосида фуқаролар йигинлари томонидан туар жой учун ижара компенсациясини тўлаб бериш бўйича талабномалар секторлар раҳбарларига ҳамда туман (шаҳар) маҳалла ва оилани қўллаб-кувватлаш бўлими бошлиғига тақдим этилади.

Секторлар раҳбарлари ҳамда туман (шаҳар) маҳалла ва оилани қўллаб-кувватлаш бўлими бошлиғининг хулосаси асосида “Аёллар дафтари”га киритилган хотин-қизларга туар жой ижара компенсацияси белгиланган тартибда тўлаб берилади. Бунда:

туар жой ижараси тўғрисидаги шартнома уч томонлама - ижарага берувчи, ижарага олувчи ва туман (шаҳар) маҳалла ва оилани қўллаб-кувватлаш бўлими ўртасида 2021 йил 31 декабрга қадар бўлган муддатга тузилади;

туар жой ижараси учун тўловлар “Аёллар дафтари” жамғармаси маблағлари ҳисобидан ижарага берувчига тўғридан-тўғри тўланади.

Шартнома суммаси ҳисобланганда:

“Аёллар дафтари”га киритилган хотин-қизлар ва улар билан бирга турадиган оила аъзоларига, ҳар бир оила аъзосига тўғри келадиган умумий майдони энг кўпи билан ўн олти квадрат метрдан (кресло-аравачада ҳаракатланадиган ногиронлар учун эса йигирма уч квадрат метрдан) кам бўлмаган ҳажмда, бироқ бир оила учун жами  $48\text{ m}^2$  ошмаган ҳолда назарда тутилади;

туар жойдан фойдаланганлик учун ижара ҳаки Вазирлар Маҳкамасининг 2019 йил 26 февралдаги 170-сон қарори билан тасдиқланган Давлат уй-жой

фондидаги турар жойларни ижарага бериш ва ҳисобини юритиш тартиби тұғрисидаги низомда назарда тутилган миқдорларда белгиланади.

#### **6-§ “Аёллар дафтари”га киритилган хотин-қызларга тиббий хизмат құрсатиши**

19. Ижтимоий ҳимояга муҳтож хотин-қызларга тиббий хизмат құрсатиши қүйидаги тартибда амалга оширилади:

тиббий ёрдамга муҳтож хотин-қызларнинг соғлиги секторлар ишчи гурухлари томонидан тегишли тиббиёт ходимини жалб қылған ҳолда үрганилади;

үрганиш натижаси бўйича касаллик аниқланган ва тиббий ёрдамга муҳтож хотин-қызлар тиббий кўрикдан ўтиш учун туман (шаҳар) тиббиёт бирлашмаси кўп тармоқли марказий поликлиникасига юборилади;

тиббий кўрик натижаси юзасидан қўрсатма бўйича туман (шаҳар) тиббиёт бирлашмасида стационар ёки амбулатор шароитда даволанади;

аҳволи оғир бўлган bemorlariga қўrсатma бўйичa вилоят ихтисослаштирилган даволаш-профилактика muassasalariiga ёки respublika ихтисослаштирилган марказlariiga даволаниш учун бепул ордер ажратилади;

ногиронлик белгилари аниқ намоён бўлган bemorlar белгиланган тартибда кўрикдан ўтиш учун Tibbий-mehнат эксперт комиссияларига юборилади.

#### **7-§ “Аёллар дафтари”га киритилган хотин-қызларга хуқуқий ёрдам қўrсатиши**

20. Хуқуқий ёрдам олишга муҳтож хотин-қызларга сайёр қабуллар орқали қуйидагилар бўйича хуқуқий ёрдам қўrсатилади:

прокуратура органлари – хуқуқлари ва қонуний манфаатлари бузилган хотин-қызларга амалий ёрдам қўrсатиши, судга мурожаат қилиш тартибини тушунтириш, судга мурожаат қилиш учун керак бўладиган хужжатларни расмийлаштиришга кўмаклашиш;

иҷқи ишлар органлари – тазийқ ва зўравонликдан жабрланган хотин-қызларни ушбу таҳдидлардан ҳимоя қилиш;

адлия органлари – хуқуқий маслаҳатлар бериш.

21. Ушбу Тартибнинг 20-бандида кўrсатилган хуқуқий ёрдамни қўrсатиши шаклларининг муддатлари ва тартиби қонун хужжатларига мувофиқ белгиланади.

#### **8-§ “Аёллар дафтари”га киритилган хотин-қызларга психологик ёрдам қўrсатиши**

22. Психологик маслаҳатга муҳтож хотин-қызларга “Аёллар маслаҳат кенгаши”, Зўрлик ишлатишдан жабр кўрган шахсларни реабилитация қилиш

ва мослаштириш ҳамда ўз жонига қасд қилишнинг олдини олиш маркази, Аҳоли бандлигига кўмаклашиш маркази хузуридаги “Хотин-қизлар ҳукуқий, психологик маслаҳатхонаси”, таълим муассасаларининг малакали психологлари томонидан психологик маслаҳатлар бериб борилади.

#### **4-боб. “Аёллар дафтари”га киритилган хотин-қизларни қўллаб-кувватлаш чора-тадбирларини молиялаштириш**

23. “Аёллар дафтари”га киритилган хотин-қизларни қўллаб-кувватлаш чоралари:

ижтимоий химояга муҳтоҷ ишсиз хотин-қизларнинг бандлигини таъминлаш – Бандликка кўмаклашиш давлат жамғармаси, Жамоат ишлари жамғармаси, “Аёллар дафтари” жамғармаси ва “Саховат ва кўмак” жамғармаси, халқаро молия институтларининг кредит ва грантлари;

томорқадан даромад манбаи сифатида фойдаланишга кўмаклашиш – Фермер, дехқон хўжаликлари ва томорқа ер эгаларини қўллаб-кувватлаш жамғармаси маблағлари;

тадбиркорликни йўлга қўйиш ва кредит олишга кўмаклашиш – Хотин-қизлар ва оилани қўллаб-кувватлаш давлат мақсадли жамғармаси, “Оилавий тадбиркорликни ривожлантириш” дастурлари, халқаро молия институтларидан жалб этиладиган имтиёзли кредит ва грантлар;

моддий ёрдам кўрсатиш, соғлиқни тиклаш ва бошқалар – “Аёллар дафтари” жамғармаси, “Саховат ва кўмак” жамғармаси маблағлари;

турар жой ижараси билан боғлиқ харажатларни қоплаб бериш – “Аёллар дафтари” жамғармаси маблағлари ҳисобидан молиялаштирилади.

“Аёллар дафтари”га киритилган хотин-қизларни қўллаб-кувватлаш қонун хужжатларида тақиқланмаган бошқа манбалар ҳисобидан ҳам молиялаштирилиши мумкин.

Мазкур бандда белгиланган манбалар ҳисобидан туман (шаҳар)лар кесимида ажратиладиган маблағлар тақсимоти ҳар чорак учун Ўзбекистон Республикаси Бандлик ва меҳнат муносабатлари вазирлиги, Мажалла ва оилани қўллаб-кувватлаш вазирлиги, Фермер, дехқон хўжаликлари ва томорқа ер эгалари кенгаши ва Ўзбекистон Республикаси акциядорлик тијорат Халқ банкининг томонидан ҳар чоракдан олдинги ойнинг 20-санасига қадар туман (шаҳар)лар ҳокимликларига етказилади.

Туман (шаҳар)лар ҳокимликлари ушбу манбалар ва ўз маблағлари ҳисобидан хотин-қизларга кўрсатиладиган ижтимоий хизмат ва ёрдамларининг турини ва уларни олувчилар сонини белгилайди.

#### **5-боб. “Аёллар дафтари”дан чиқариш тартиби**

24. Хотин-қизлар қуйидаги ҳолларда “Аёллар дафтари”дан чиқарилади:

бандлиги таъминланган ёки доимий даромад манбаига эга бўлганда;  
бир марталик моддий ёрдам кўрсатиш орқали муаммоси ҳал этилганда;  
туар жой ижара компенсацияси белгиланган тартибда тўлаб берилганда;  
малакали тиббий хизмат кўрсатилганда;  
тўлиқ давлат таъминотига олинганда;  
аниқланган бошқа муаммолари қонуний ҳал этилганда;  
ўз аризасига кўра;  
“Аёллар дафтари”га ноқонуний киритиш ҳолати аниқланганда;  
бошқа давлатларга доимий яшаш учун чиқиб кетганда;  
суднинг озодликдан маҳрум этишни назарда тутувчи ҳукми қонуний қучга  
кирганда;  
хизматлар кўрсатиш бўйича иш олиб бориш имконини бермайдиган бошқа  
ҳолатлар юзага келганда;  
шахс вафот этган тақдирда.

“Аёллар дафтари”га икки ва ундан ортиқ масалаларини ҳал этиш учун  
киритилган хотин-қизларнинг барча масалалари тўлиқ ҳал этилиши дафтардан  
чиқариш учун асос бўлади.

Доимий ва вақтинча яшаш учун республиканинг бошқа ҳудудига кўчиб  
үтганда, доимий яшаш ва вақтинча туар жойи бўйича рўйхатга олинган кундан  
бошлаб 15 кундан кечиктирмасдан “Аёллар дафтари”га тегишли ўзгартиришлар  
киритилади.

25. Секторлар раҳбарлари, туман (шаҳар) маҳалла ва оилани қўллаб-  
кувватлаш бўлими бошлиғи мазкур Тартибининг 24-бандида кўрсатилган  
ҳолатлар бўйича “Аёллар дафтари”дан чиқариш юзасидан таклифларни ҳалқ  
депутатлари туман (шаҳар) Кенгашлари мухокамасига киритади.

26. Хотин-қизларни “Аёллар дафтари”дан чиқариш, унга ўзгартиришлар  
киритиш Ҳалқ депутатлари туман (шаҳар) Кенгашининг қарори асосида амалга  
оширилади.

27. Ҳалқ депутатлари туман (шаҳар) Кенгашининг қарори асосида “Аёллар  
дафтари”дан чиқарилган хотин-қизлар тўғрисидаги маълумотлар секторлар  
штаблари котиблари томонидан 3 кундан ошмаган муддатда ахборот тизимига  
киритилади.

“Аёллар дафтари”дан чиқарилган хотин-қизлар туман (шаҳар) маҳалла  
ва оилани қўллаб-кувватлаш бўлимлари томонидан 5 кун ичida бу ҳақда ёзма  
равишида хабардор қилинади.

## 6-боб. Якунловчи қоидалар

28. Секторлар, туман (шахар) маҳалла ва оилани қўллаб-қувватлаш бўлимлари ахборот тизимида “Аёллар дафтари”ни юритиш билан боғлиқ масалаларни тўлиқ акс эттириб борилишини таъминлайди.

29. “Аёллар дафтари”га киритилган хотин-қизларни қўллаб-қувватлаш бўйича ишларни мувофиқлаштириш:

маҳалла даражасида – туман (шахар) секторлари раҳбарлари, маҳалла ва оилани қўллаб-қувватлаш бўлимлари бошлиқлари;

туман (шахар) даражасида – вилоят секторлари раҳбарлари, Касаба уюшмалари федерацияси худудий бўлинмалари, Қорақалпогистон Республикаси Маҳалла ва оилани қўллаб-қувватлаш вазирлиги, вилоятлар ва Тошкент шахар Маҳалла ва оилани қўллаб-қувватлаш ҳудудий бошқармалари;

вилоят даражасида – Маҳалла ва оилани қўллаб-қувватлаш вазирлиги, тегишли вазирлик ва идоралар;

республика даражасида – Хотин-қизлар муаммоларини тизимли равища ҳал этиш, уларни ижтимоий қўллаб-қувватлаш бўйича республика комиссияси томонидан амалга оширилади.

30. Мутасадди ташкилотларнинг масъул ходимлари, секторлар штабларининг котиблари томонидан “Аёллар дафтари”га киритилган ҳар бир хотин-қизларнинг аниқланган муаммолари бартараф этилганлиги ҳақидаги ҳисботлар ҳар куни соат 18.00 гача ахборот тизимига киритиб борилади.

31. Секторлар раҳбарлари, секторлар ишчи гуруҳлари, туман (шахар) маҳалла ва оилани қўллаб-қувватлаш бўлими раҳбар ходимлари томонидан “Аёллар дафтари”га киритилган хотин-қизларни қўллаб-қувватлаш бўйича амалга оширилган ишларни ҳар ойда жойига чиқсан ҳолда мониторинг қилиб боради.

32. “Аёллар дафтари”га киритилган хотин-қизларнинг муаммоларини бартараф этишга қаратилган “Йўл харитаси”нинг ижроси ҳар чоракда камида бир марта ҳалқ депутатлари туман (шахар) Кенгашида муҳокама қилинади.

Кенгаш сессияларида муаммоларни ҳал қилишга масъул бўлган секторлар ва ташкилот раҳбарларининг ҳисботлари эшитиб борилади.

“Аёллар дафтары”ни юритиш орқали  
хотин-қизлар муаммоларини тизимли равишда  
ҳал этиш ва уларни ижтимоий қўллаб-кувватлаш бўйича  
вақтинчалик тартибга  
илова

**“Аёллар дафтары”ни юритиш  
СХЕМАСИ**

Босқич	Масъул	Чора-тадбир	Муддат
1-босқич	<p>Сектор ишчи гурухлари, фуқаролар йигинлари ходимлари ва фаоллари</p> <p>Масъул ташкилотлар, “Аёллар маслаҳат кенгаси” аъзолари</p>	<p>1. Хотин-қизларнинг муаммолари, эҳтиёжлари ва қизиқишилари уйма-уй юриб ўрганилади.</p> <p>2. Хотин-қизларнинг мурожаатлари, шу жумладан “Аёллар маслаҳат кенгаси”га қилинган мурожаатлар кўриб чиқилади.</p> <p>Хотин-қизларнинг муаммолари анкета-сўровнома орқали аниқланади.</p>	<p>Ҳар ярим йил 1-ойининг дастлабки 15 кунида Доимий</p>
2-босқич	<p>Сектор штаби котиби, фуқаролар йигини ходимлари</p> <p>Сектор раҳбари, туман (шаҳар) маҳалла ва оилани қўллаб-кувватлаш бўлими бошлиғи</p>	<p>1. Аниқланган муаммолар хотин-қизларнинг шахсий индивидуал анкеталарига киритилади.</p> <p>2. Индивидуал анкеталар сектор раҳбари, туман (шаҳар) маҳалла ва оилани қўллаб-кувватлаш бўлими бошлиғига тақдим этилади.</p> <p>3. Индивидуал анкеталар кўриб чиқилиши ташкил қилинади.</p> <p>4. Анкета маълумотлари идора ва ташкилотларнинг маълумотлари билан солиштирилади ҳамда аёлларнинг ижтимоий ҳимояга муҳтожлик даражаси (тоифаси) аниқланади.</p>	<p>З кундан ошмаган муддатда 1 кун муддатда З кундан ошмаган муддатда</p>

<b>Босқич</b>	<b>Масъул</b>	<b>Чора-тадбир</b>	<b>Муддат</b>
3-босқич	Сектор раҳбари, туман (шахар) маҳалла ва оилани кўллаб-кувватлаш бўлими бошлиғи	“Аёллар дафтари”га киритиладиган хотин-қизларнинг рўйхатлари ҳамда уларнинг муаммоларини бартараф этишга қаратилган “Йўл харитаси” лойиҳасини Халқ депутатлари туман (шахар) кенгашига тасдиқлаш учун киритилади.	7 кундан ошмаган муддатда
4-босқич	Халқ депутатлари туман (шахар) кенгашилари	“Аёллар дафтари”га киритиладиган хотин-қизларнинг рўйхатлари ва “Йўл харитаси” тасдиқланади ҳамда ижрога қаратилади.	Белгиланган тартибда
5-босқич	Сектор штаби котиби	Халқ депутатлари туман (шахар) кенгашида тасдиқланган рўйхатлар Маҳалла ягона ахборот тизими дастурига киритилади.	3 кундан ошмаган муддатда
6-босқич	Туман (шахар) хокимликлари, сектор раҳбарлари, Аҳоли бандлигига кўмаклашиш маркази, Халқ банки, Фермерлар кенгаши, Савдо-саноат палатаси, Тиббиёт муассасалари, Молия, маҳалла ва оилани кўллаб-кувватлаш бўлимлари, прокуратура, адлия, ички ишлар органлари	Вақтинчалик тартибда белгиланган хизматларни кўрсатади.	Белгиланган муддатларда

<b>Босқич</b>	<b>Масъул</b>	<b>Чора-тадбир</b>	<b>Муддат</b>
7-босқич	Сектор раҳбари, туман (шахар) маҳалла ва оилани кўллаб-куватлаш бўлими бошлиғи	“Аёллар дафтари”дан чиқариш юзасидан таклифлар халқ депутатлари туман (шахар) Кенгашлари муҳокамасига киритилади.	Заруратга кўра
8-босқич	Халқ депутатлари туман (шахар) кенгашлари	“Аёллар дафтари”дан чиқариш бўйича тегишли қарор қабул қилинади.	Заруратга кўра
9-босқич	Сектор штаби котиби	Халқ депутатлари туман (шахар) кенгashi қарори асосида “Аёллар дафтари”дан чиқарилган хотин-қизлар тўғрисидаги маълумотлар Маҳалла ягона ахборот тизими дастурига киритилади.	3 кундан ошмаган муддатда
10-босқич	Туман (шахар) маҳалла ва оилани кўллаб-куватлаш бўлиmlари	“Аёллар дафтари”дан чиқарилган аёллар бу ҳакида ёзма равишда хабардор қилинади.	Қарор қабул қилинганидан сўнг 5 кун ичida
11-босқич	Секторлар, туман (шахар) маҳалла ва оилани кўллаб-куватлаш бўлиmlари	Маҳалла ягона ахборот тизими дастурида “Аёллар дафтари”ни юритиш билан боғлиқ масалалар тўлиқ акс эттириб борилиши таъминланади.	Мунтазам равишда
12-босқич	Масъул ташкилотлар ходимлари, сектор штаби котиби	“Аёллар дафтари”га киритилган ҳар бир хотин- қизларнинг аниқланган муаммоларининг бартараф этилганлиги ҳакида ҳисботлар ахборот тизимига киритиб борилади.	Ҳар куни соат 18.00 гача

Босқич	Масъул	Чора-тадбир	Муддат
13-босқич	Сектор раҳбари, сектор ишчи гурухи, туман (шаҳар) маҳалла ва оиласи қўллаб- куватлаш бўлими раҳбар ходимлари	“Аёллар дафтари”га киритилган хотин-қизларни кўллаб-куватлаш бўйича амалга оширилган ишлар жойига чиқсан ҳолда мониторинг қилиб борилади.	Хар ойда
14-босқич	Халқ депутатлари туман (шаҳар) Кенгаши	1. “Аёллар дафтари”га киритилган хотин-қизларнинг муаммоларини бартараф этишга қаратилган “Йўл харитаси” ижроси муҳокама қилинади. 2. Кенгаш сессияларида муаммоларни ҳал қилишга масъул бўлган секторлар, идора ва ташкилот раҳбарларининг ҳисоботлари эшитиб борилади.	Хар чоракда камидаги маротаба

